



UNIVERSITETI I MITROVICËS
UNIVERSITY OF MITROVICA
"ISA BOLETINI"

Pranuar me dt 23.05.2018			
Njësia org	Numër	Nr ekzempli	Vlera
	816		

PIM Trepça, 40 000 Mitrovicë, Republika e Kosovës
<http://www.umib.net>; Tel: +381-28535725/535727

Në bazë të nenit 5, pika 1.2, nenit 12 pika 1.15, nenit 49, pika 1.3 të Statutit të Përkohshëm të Universitetit të Mitrovicës "Isa Boletini" (UMIB), Senati, në mbledhjen e mbajtur më 22.05.2018 miraton:

RREGULLORE

Për themelimin dhe mënyrën e funksionimit të Trupit Këshillëdhënës të Njësive Akademike të Universitetit të Mitrovicës "Isa Boletini"

Qëllimi

Kjo rregullore përcakton karakterin, anëtarësimin, funksionimin, fushëveprimin, mënyrën e vendimmarrjes dhe mandatin e Trupit këshillëdhënës.

Neni 1

1. Karakteri i Trupit këshillëdhënës, të themeluar në bazë të Statutit të Përkohshëm të Universitetit të Mitrovicës "Isa Boletini" (në tekstin e mëtejme UMIB) dhe të kësaj rregulloreje, *është jofitimprurës dhe këshillëdhënës* dhe, bazohet në vullnetin e mirë të anëtarëve dhe në përkushtimin e njësive akademike të UMIB-it për ngritjen e cilësisë së Arsimit të Lartë në fushën e veprimtarisë së tyre.
2. Trupi këshillëdhënës përbëhet nga përfaqësuesit e tregut të punës dhe të autoriteteve nga fushë veprimtaria e njësive akademike përkatëse.
3. Përbërja dhe aktivitetet e Trupit këshillëdhënës publikohen në ueb-faqen e UMIB – it dhe të njësive akademike.

Neni 2

1. Trupin këshillëdhënës e themelon njësia akademike përkatëse me propozimin e dekanit.
2. Trupi këshillëdhënës mund të ketë deri në 11 anëtarë.
3. Dekanët e njësive akademike i propozojnë anëtarët e Trupit këshillëdhënës, emërtimin e të cilëve e miraton këshilli i njësisë akademike.
4. Pas konstituimit të Trupit këshillëdhënës dhe zgjedhjes së kryetarit, mund të propozohen edhe anëtarët të tjerë në Trupin këshillëdhënës. Për zgjedhjen e tyre, dekani e informon këshillin e njësisë akademike.

Neni 3

1. Trupi këshillëdhënës përbëhet nga përfaqësues të tregut të punës, që janë vendimmarrës në kompani private apo publike si dhe përfaqësues të autoriteteve qeveritare relevante për fushë veprimtarinë e njësisë akademike përkatëse.
2. Anëtarë *ex-officio* të Trupit këshillëdhënës janë dekani dhe prodekanët e njësisë akademike si dhe një përfaqësues nga Universiteti ose ndonjë prej fakulteteve me fushëveprim të ngjashëm.
3. Dekani i njësisë akademike përgatit mbledhjen konstitutive të Trupit këshillëdhënës, përpilon materialet lidhur me rendin e ditës dhe ndërmerr aktivitete të tjera për mbarëvajtjen e punës së Trupit këshillëdhënës.

Neni 4

1. Trupi këshillëdhënës e zgjedh kryetarin nga radhët e përfaqësuesve të tregut të punës. Kryetari i Trupit këshillëdhënës i udhëheq mbledhjet dhe kujdeset që informatat lidhur me mbledhjet të shpërmdahen tek të gjithë anëtarët e vet dhe palët e tjera të interesit.
2. Sipas kësaj rregulloreje dhe praktikës së mirë e transparente, Kryetari i Trupit këshillëdhënës përkujdeset për përmbledhjen e raporteve të punës së Trupit këshillëdhënës dhe operacionalizimin e iniciativave të tij.
3. Kryetari e përfaqëson Trupin këshillëdhënës në raport me palën e tretë. Në mungesë të kryetarit, ai mund ta caktojë një zëvendës të tij.
4. Kryetari e prezanton punën e Trupit Këshillëdhënës në organizimet e ndryshme si: Këshillin e njësisë akademike, Institucionet e Arsimit të Lartë brenda dhe jashtë vendit, punëtori tematike etj.
5. Trupi këshillëdhënës mund të formojë grupe punuese, të cilat përqendrohen në drejtime të veçanta të fushëveprimit të njësisë akademike përkatëse të tregut të punës.
6. Varësisht nga temat për diskutim, në mbledhjet e Trupit këshillëdhënës, mund të ftohen edhe shefat e departamenteve, drejtori i Institutit të njësisë akademike përkatëse dhe përfaqësues të organeve përkatëse që funksionojnë në kuadër të njësisë akademike, por pa të drejtë vote.

Neni 5

1. Trupi këshillëdhënës, mund t'i sugjerojë Këshillit të njësisë akademike përditësimin e programeve të studimeve.
2. Anëtarët e Trupit këshillëdhënës e mbështesin realizimin e praktikës profesionale të studentëve të njësive akademike, në pajtim me programet e studimit.
3. Trupi këshillëdhënës mbështet njësinë akademike dhe tregun e punës të fushë veprimtarisë punuese në krijimin grupeve të përbashkëta punuese.
4. Trupi këshillëdhënës dhe njësia akademike bashkëpunojnë në kërkime shkencore, shërbime profesionale, ndërmjetësim për inovacione si dhe në propozime bashkëpunimi në projekte të përbashkëta me partnerë tjerë.
5. Anëtarët e Trupit këshillëdhënës mund të ofrojnë bursa për studentë si dhe përkrahje financiare për projekte hulumtuese të studentëve dhe stafit akademik.
6. Trupi këshillëdhënës mund të shqyrtojë edhe çështje të tjera të propozuara nga dekani.

Neni 6

1. Trupi këshillëdhënës mund të sugjeroj ndryshimin, përmirësimin dhe amandamentimin e rregulloreve dhe akteve të tjera në fuqi.
2. Trupi këshillëdhënës, mund t'i propozojë Këshillit të njësisë akademike programe që kanë të bëjnë me mësim tërëjetësor, arsim të të rriturve dhe trajnime profesionale.
3. Trupi këshillëdhënës bën vlerësime, rekomandime e sugjerime lidhur me kushtet e punës, laboratorët dhe lehtësira në funksionalizimin e punës.
4. Këshillat dhe sugjerimet e Trupit këshillëdhënës për çështjet e trajtuara i adresohen Këshillit të njësisë akademike, Senatit të UMIB-it, menaxhmentit, Këshillit Drejtues të UMIB-it, në kuadër të hartimit të programeve të reja, aplikimit për procesin e akreditimit, caktimit të punës praktike, planifikimit të projekteve kërkimore dhe shkencore, vlerësimit të tyre, hartimit të dokumenteve strategjike, etj.

Neni 7

1. Aprovimi i propozimeve bëhet me shumicën e thjeshtë të anëtarëve të pranishëm.
2. Rekomandimet e Trupit këshillëdhënës, në formë të propozimeve dorëzohen në Këshillin e njësisë akademike për procedim të mëtejme.

Neni 8

1. Mandati i anëtarëve të Trupit këshillëdhënës zgjatë 4 (katër) vjet, me mundësi të rizgjedhjes, ndërsa numri i mandateve nuk është i kufizuar.
2. Me kërkesën e dekanit, kryetari i Trupit këshillëdhënës, mund t'i prezantojë para Këshillit të njësisë akademike aktivitetet e Trupit këshillëdhënës për periudhën e caktuar.

Neni 9

Kjo rregullore hyn në fuqi 7 ditë pas nënshkrimit nga kryesuesi i Senatit të UMIB-it.



Prof. asoc. dr. Alush Musaj

Rektor